



Inatsisartut suleriaasiat § 37 malillugu, immikkoortoq 1 naapertorlugu matumuuna Naalackersuisunut apeqquq imaattoq saqqummiuppara:

Naalackersuisunut apeqquq:

- 1. Kalaallit Airportip siulersuisui qartussaaffimmik qanoq annertutigisumik Naalackersuisut sinnerlugit pisinnaatitaaffiligaappat?**
- 2. . Kalaallit Airportip siulersuisui, siulersuisuniluunniit ilaasortat ataasiakkaat ataatsimiinnerni Naalagaaffeqatigiinnermut nunanullu allanut sillimaniarnermullu attuumassunik sammisalinni peqataasoqartarsimava?**
- 3. Naalackersuisut siulittaasuata akuerisimanerpaa, suliffeqarfik politikerinut ”armlænge princip” atorlugu akulerutsitinaveersaartut, nunanut allanut sillimaniarnermullu attuumassunik sammisaqarluni politikkimik ingerlatsinissaanut?**
- 4. Naalackersuisut siulittaasuata isumaqatigiinniarnert siunnerfiat ilisimasaqarfiginerpaa, paasisagut naapertorlugit isumaqatigiinniarnert pisortaqarfimmi atorfilittat aningaasaliisartullu aallartitaasa akornanni ingerlanneqarput, Inatsisartut ilisimatinnagit, innuttaasullu avaqqullugit?**

(Inatsisartunut ilaasortaq Pele Broberg, Partii Naleraq)

Tunngavilersuut:

Ukiariartornerani saqqummiunneqarpoq pisortaqarfimmi atorfilittat, Kalaallit Airport peqatigalugu Qallunaat naalagaaffiat isumaqatigiissummik atsioqatigigaat.

Isumaqatigiissutip tamatuma inerneraa avataaniit aningaasanik attartorluni aningaasaliffigineqarnissamik, taamaalillunilu Namminersorlutik Oqartussat attaveqaatinik pilersinneqartussanik tamakkiisumik piginnitussaananerit qimallugu, Danmarkimiit aningaasaliffigineqarnissaq qallunaallu naalagaaffiata pilersinneqartussanik piginneqataansaa isumaqatigiissutaasimasooq. Isumaqatigiissutip avataatigut Namminersorlutik Oqartussat pisussaaffilerneqarsimapput Qallunaat naalagaaffiata Air Greenland A/S-imik piginneqataassutai pisiarissagai. Kalaallit Airport A/S pilersinneqarnermini pisussaaffilerneqarpoq Namminersorlutik Oqartussat mittarfinnik aningaasaliissappata aningaasaliffigisap isumagissagaat, tamatumalu avataatigut aamma pisinnaatitaaffitsik nammineq ilaartorlugu isumaqatigiissutip iluani niunerniarsimapput.

Isumaqatigiissutaasimasup saqqummiunneqarnerani ersersinneqarpoq isumaqatigiissummi , nunanut allanut sillimaniarnermullu attuumassutilinnik sammisaqartoqarsimasooq, tamatumalu kinguninngua tusagassiutitigut saqqummertoqarpoq USA issittumi sakkunik annertusaaniarluni pilersaaruteqartoq.

Tassa aamma maannakkut saqqummiunneqarpoq qallunaat pisortaqarfimmi atorfillit Kalaallit Airportip siulersuisuini siulittaasooq peqatigalugu USA-mi ameerikkarmiut Ilulissani mittarfiup allineqarnissaa pillugu sakkutooqarfimmiit aningaasaliffigineqarnissaat Pentagonimi ataatsimiissutigisimangaat.



partii naleraq

Inatsisartut pisumik sakkussaqaarnikkut annertusaanermik tunngasumik ilisimatinneqarsimanginnerisa avataatigut paaserusupparput taamaaliornerup takornariaqarnermut sunniutigisinnaasai qanorinnersut, tassami UNESCO-p eqqissisimatitatut innersuussaani sakkutooqarfeqarnissaq apeqquserneqarsinnaammat. Tassunga ilanngullugu aamma tusagassiuutini saqqunniuneqarpoq Thule Air force base (Pituffik) saassunneqarsinnaaneranik erumasoqartoq.

Kalaallit Airports A/S malittarisassaani erseqqilluinnartumik allassimavoq, suliffeqarfiup siulersuisuini ilaasortat Inatsisartuni ilaasortaassanngitsut. Erseqqilluinnartumik innuttaasunik qinikkanik taavalu aningaasaliisussarsiornermik nuna tamakkerlugu suliaqartunik immikkoortitsineq taamaattoq imatut isumaqassanngilaq sunut tamanut killeqanngitsumik peqataasinnaaneq, aamma imaassanngilaq kingeuneqartinneqanngitsumik killissamik qaangiilluni pisortat nunanullu allanut tunngasuni suliani akuleruteqattaarsinnaaneq. Killissanik aamma qaangiineruvoq, siulersuisuni ilaasortaasinnaasut aaliangersoreereri, imminut malittarisassaliunneq, kiisalu Inatsisartunut matussiniarnermut tunngasut.

Kissaatigivara apeqqutikka ullut suliffiusut qulit qaangiutinnginneranni akineqarnissaat.